

Giryama - Maoro - Protection Scriptures

Ezekieli 3:18 - Jakobi 5:19,20 Vikara ndugu zangu, mut'u akikala wo ujeri k'authuwa kaheri, gonya hambole mwandziwe akamuadhe hatha amudzye, 20 bai manyani vivi, mut'u asaidhiaye mwenye dambi hatha amuyire Mulungu kaheri, andakala adzamuthizha na kifwa na kumuhendya asamehewe dambize nyinji.

ARumi 12:21 Musishindwe ni uwi, ela ushindeneni uwi kwa kuhenda madzo.

Zaburi 143:8,10 - Johana 14:26 Ela iye Mwavizi, iye Roho Mweri kidza, ambaye Baba andamureha kwa dzina rangu, andamufundisha na kumukumbukiza gosi nirigomwambira.

Zaburi 94:12 - Johana 16:13 Ela ye Roho aung'azaye ujeri akidza andamulongoza kwenye ujeri wosi, mana k'andanena kwa wadimi wa kwakwe mwenye, ela andanena kila kit'u andichosikira kula kwangu na kidza andamwambira maut'u gandigokudza.

Fumbo 27:12 - 1 AKorintho 10:13 Go majezo gosini mugapatago be ni majezo ga kawaida, garigo kila mut'u nikugapata. Ela kwa kukala Mulungu ni mwaminifu, k'andamuricha mujezwe kukira zho mwadimazho. Ela hatha mujezwaho andamboza ngira ya kugakizira majezo gago, ili mupate nguvu za kuvumirira.

AFilipi 2:16 kuno mukiambiriza ugoro urehao uzima. Mukihenda vizho, nindakala na chausa cha kudzionyera haho Masihi andihouya kaheri. Kwani yo kazi niriyoenda kwa nguvu na chadi indakala si ya kihuhu bule.

Isaya 49:4 - AGalatia 4:11 Ninahofia kukala ko kwenu be nahenda kazi ya bule.

AEburania 13:20/21 Jesu murisa mubomu wa zo ng'ondzi, wamwaga milatsoye akiika kilagane cha kare na kare. Bai ninavoya kukala, iye Mulungu arehaye dheri, na ariyemufufula Bwana wehu Jesu, amup'e kila kiricho kidzo cha kumwaviza ninwi muhinde mahendzoge. Kidza ninavoya kwamba, kukirira na kwa Jesu Masihi, ahende kazi ndani yenu here ahendzazho mwenye. Nguma naikale kwa Jesu Masihi hatha kare na kare! H'aami.

1 AKorintho 16:15 Ndugu zangu, ninwi munamanya kukala Sitefana na at'u a nyumba ya kwakwe ndo at'u a kwandza kumukuluhira Masihi kuko Akaia. Kidza munamanya kukala ao madzilazha kamare kuahumikira at'u a Mulungu.

AFilipi 1:27 Bora thu muhakikishe kukala munathuwa malagizo ga Masihi t'ot'ot'o. Ndakudzamulola, sindakudzamulola, nahendza nisikire kukala mu t'ot'ot'o, na mu kit'u kimwenga kahi za kuukuluhira uwo Ugoro Udzo wa Masihi.

1 AKorintho 15:58 Kwa vizho bai ndugu zangu ahendzwi, ch'it'ani musisunuke bule. Thuwani kuhenda kazi ya Bwana siku zosi, mukimanya kukala yo kazi

muhendayo kahi za Bwana si ya kihuhu bule.

AKolosia 4:12 Pia mudzalamuswa ni Epafura, mut'u wa kuko kwenu. Iye ni muhumiki wa Masihi Jesu, naye bai anamuvoyera zhomu sana. Anamuvoyera ili mudime kuima imara na mukale na hakika na kila kit'u aricho Mulungu anahendza mukihende.

Jeremia 15:20 - ARumi 8:31 Huambedze vikara? Kala Mulungu a upande wehu, ni h'ani adimaye kufupinga? Jibu ni k'akuna.

Jeremia 15:21 - Math'ayo 6:13 Na usihuhirike majezoni, ela huokole na ye Mui.

Zaburi 55:18 - 1 Johana 4:4 Ela ninwi anangu, mu a Mulungu, na mwagonya kuashinda kare aa manabii a ulongo. Mana iye ariye ndani yehu, ana nguvu kumushinda iye ariye dhuniani.

Ezekieli 30:24 - Luka 1:51 Iye waugoloza wo mukonowe wa nguvu na akiatsamula-tsamula o at'u madzionyao hamwenga na go maazo gao garigo mo vitswani mwao.

Ugunulo 3:18 Kwa vizho ninakuadha ugule vit'u vivi kula kwangu: gula dhahabu mbidzo ya zosi, iriyoochwa na moho ili ukale mushaha; gula k'andzu nyaruhe ili uvale uziye waebu wa huhuro; na muhaso wa matso ili wangize matsoni mwako uone.

1 Johana 3:17 Ela mut'u akikala ana mali za kwakwe, na amone nduguye ana shidha na akale k'andamuonera mbazi akamwaviza, bai mut'u dza iye k'ana hachi ya kuamba anamuhendza Mulungu.

Isaya 50:4 - Luka 21:15 Kwani mimi nindamuhendya mudzigidzye kuhumira maneno gandigoahendya o mahadhui enu makose ut'u wowosi wa kumwamba zho mudzizhonena sozho.

AEfeso 6:10-12 Mwisho kamare, kalani na nguvu kahi za Bwana, na kahi za wadimi wa kwakwe munji. 11 Valani silaha zosi za Mulungu, ili mudime kuupinga ujanja wa Shethani. 12 Kwani k'ahuheha na vit'u zhenye mwiri na mulatso, hatha. At'u siswi funaheha na athawali, na wadimi, na nguvu za urumwengu uu wa kiza. Kidza funaheha na majeshi ga p'ep'o, garigo kuko dzulu.

Zaburi 18:39 - 1 AKorintho 15:25 Kwani Masihi ni hatha athawale muhaka haho andihoathambaraza mahadhuie osi ts'inize.

2 Samueli 22:40 - AKolosai 1:11 Bai hunamuvoyera Mulungu akaze kumwangiza nguvu na zo nguvuze nyinji za nguma ili hatha mupatwaho ni mashaka, muvumirire na raha.

Zaburi 89:43 - AEfeso 6:13,14 Kwa vizho halani silaha zosi za Mulungu, ili siku mbii ikidza mudime kushinda. Na mundihokala mudzagamarigiza gosini, muenderere kuimat'o. 14 Bai imani imara kwa kuuthuwa ujeri wa Mulungu, nawo uwo undakala here ukanda wa kudzifunga mumo zhununi mwenu. Hendani garyahu garigo ni hachi mbere za Mulungu, na iyo hachi indakala here kiziyo cha kathi renu.

Ezekieli 13:6 - Mariko 13:22 Mana kundambola ano Masihi anji a ulongo, na

manabii anji a ulongo. At'u ao osi mandahenda miyano na maajabu ili vichadimikika maakenge hatha o at'u mariotsagulwa ni Mulungu.

1 AKorintho 14:8 H'e kala mut'u anapiga k'ululu kuambira at'u magwire maha, gonya akale k'andavihendat'o hatha at'u makavisikira, o at'u mandagwiradze maha bila kumanya madzaambwadze?

Luka 10:19 Lolani, namup'a wadimi wa kuzhoga nyoka na mah'ambini na wadimi wa kuzishinda nguvu zosi za iye hadhui. K'akuna chochosi kindichomulumiza.

2 AKorintho 7:10 Kwani huzuni imufwahizayo Mulungu si huzuni ya kumuhendya mut'u adziuthe, mana huzuni iyo nikumuhendya mut'u akathubu na akapata wokolwi. Ela huzuni ya urumwengu inareha kifwa.

2 T'imoth'i 2:25,26 Aryahu at'u ambao ma kinyume naye, anavirya aakanye kwa up'ore ngaa Mulungu aagaluze mioyo yao na madime kuumanya ujeri, 26 Kidza maleukwe na mauchimbire wo muhego wa Shethani, ariye were waagwira na akialazimisha mathuwe zho zhakwe.

Nehemia 4:15 - Mahendo 5:38 Kwa vizho bai, nimalazho kumwambira ni vivi, at'u aa h'e, aricheni na maut'u gao! Ee, arichizeni mende! Mana, kala gaga malengo gao na kazi yao ni zha kibinadamu be k'avindafururiza.

Zaburi 73:24 - Jakabu 1:5 Vikara chamba hana mut'u yoyosi ariye anatsowa ulachu wa kimulungu, naamuvoye ye Mulungu naye andamup'a ulachu uwo. Mulungu akimup'a mut'u kit'u, nikumup'a kwa unji, hasiho kumuchemera.

Jeremia 1:18 - as a defenced city, and an iron pillar, and brasen walls against evil

Zaburi 76:3 - Mulungu break weapons & K'ondo

Jeremia 6:27 - as a tower & fortress

ALawi 26:19 - Mulungu break the pride of your power; & make heaven as iron, & earth as brass:

ALawi 26:37 - no power to stand in K'ondo

Deuteronomy 23:5 Mulungu turn curse into blessing

2 Athawali 19:34 Mulungu defend

Ayubu 15:24 ready to K'ondo

1 Kronika 12:8 fit for battle

1 Kronika 12:33,38 expert in K'ondo, keep rank in K'ondo.

Pastor T. John Franklin
Church of Salvation, Healing, and Deliverance
COS-HAD.org